

庶物類纂

石屬  
自四十九至五十

容

第百廿七函

|       |        |
|-------|--------|
| 太政官文庫 |        |
| 和書門   | 特別     |
| 類     | 一二三六二號 |
| 函     | 第百廿七   |
| 架     | 四六五册   |

|      |          |
|------|----------|
| 內閣文庫 |          |
| 番號   | 和 32362  |
| 冊數   | 465(154) |
| 函號   | 特 54. 1  |

百丙

共廿七



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak











庶物類纂石屬卷之四十九目次

磬石

磬精磬萃

庶物類纂 卷四十九

石屬目次



礬石

一名涅石

爾雅

一名羽涅

神農本草

一名羽澤

名醫別錄

煨枯者名巴石輕白者名柳絮礬

本草綱目

俗名脫蕪思州山城

礬石

桑柴灰取汁煎白礬治壁鏡蛇毒石榴名天漿已乳

石毒晉李石續博物志

礬石止齒齲之痛而朽牙根躁痛雖餌必至生害劉梁

新論 劉子

礬石食鼠而鼠死食蠶而肥闕名蒙泉雜言

盛弘之荆州記曰建平出礬石

范子計然曰礬石出武都以上太平御覽

鵲巢中有石亦名礬石如雞卵色灰白鵲於巢側為



泥池中多置鞦韆之畜水中以此石養之每採取則吞而飛去頗難得頃年溫州瑞安縣佛舍常有鶴巢因端午晨朝一人忽登屋謀取為人所捕訟詢之云竊取可以致富不利於寺令膚理頗礪燥較之水嘉華石為研差勝土人亦多鑄琢為方斛諸器宋杜綰雲林石譜

元祐七年賀正虜使耶律迪卒于滑州虜人倒懸其尸出滓穢口鼻中又以筆管刺皮膚出水以白礬塗尸令瘦但令支骨以歸宋劉跂暇日記

做魚酢用礬鹽淹去涎洗淨如魚鮓法造宋蘇軾物類相感志

礬水寫字令乾以五倍澆之則成黑字同上


打落器中白礬與韶粉研刷真皮色不退同上

燈心蘸油再蘸白礬末粘起炭火同上

摧礬者唐於晉州置平陽院以收其利開成三年度支奏罷之以礬山歸州縣五代以來稅務置官吏宋

朝之制白礬出晉晉坊州無為軍汾州之靈石縣無

軍場曰昆山自大中祥符元年後以停積頗多權罷煮造靈石場至道初廢景德元年復置大中祥符八年又廢其礬徙就晉州慈州場曰芥泉





綠礬出慈隰州池州之銅陵縣

隰州場太祖時以地接河東偽境罷之太

平興國八年本州牙吏上美請募工造鑊礬輸官課詔從其請銅陵場慈熙二年廢天禧五年復置又汾州靈石亦有綠礬

各置官典領有鑊戶煮造入官市晉汾慈州礬以一

百四十斤為一馱給錢六十

給見錢三之二餘準以茶綿

隰州礬馱減三十斤給錢八百賣白礬綠礬汾州每

馱二十四貫五百慈州又增五百隰州每馱四貫六

百皆博賣於人又有散賣者白礬坊州斤八十錢汾

州百九十二錢無為軍六十錢綠礬斤七十錢至道

中白礬歲課九十七萬六千斤綠礬四十萬五千餘

斤賣錢十七萬餘貫真宗末白礬增二十萬一千餘

斤綠礬增二萬三千餘斤賣錢增六萬九千餘貫建

隆三年詔禁商人私販幽州礬官司嚴捕沒入之其

後定令私販河東幽州礬一兩以上私煮礬三斤及

盜官礬至十斤者棄市開寶三年二月增私販至十

斤私煮及盜滿五十斤者死餘論罪有差太平興國

初以歲幣不充有司諸嚴禁法詔私販化外礬一兩

以上及私煮至十斤並如律論決而再犯者悉配流



還復犯者死。淳化元年有司言：慈州官礬滯積，蓋小民多就山谷僻處私煮，以侵其利。而綠礬價賤，不可以晉州礬均法。詔如犯私茶論罪。

建隆時，命晉州制置礬務，許商人輸金帛、絲、綿、茶及紙錢，官以礬償。凡歲增課八十萬貫。淳化初，有司言：國家以見錢酬礬，直高客以陳茶入博，有利豪商無資國用。請今後惟以金銀見錢入博從之。

止齋陳氏曰：太祖礬禁為契丹北漢設也。其後并鹽酒皆摧之，非本意也。以上俱宋馬端臨文獻通考

陶隱居云：今出益州北，部西川從河西來，色青白，生者名馬齒礬，已鍊成絕白。蜀人又以當消石名白礬，其黃黑者名雞屎礬，不入藥。惟堪鍍，作以合熟銅，投苦酒中，塗鐵皆作銅色。外雖銅色，內質不變。仙經單餌之丹方亦用。俗中合藥皆先火熬令沸燥，以療齒痛多即壞。齒是傷骨之證，而云堅骨齒，誠為疑也。嘉祐本草

礬石生河西山谷及隴西武都石門。今白礬則晉州慈州無為、軍、綠礬則隰州溫泉縣池州銅陵縣並煎



礬處出焉初生皆石也採得碎之煎鍊乃成礬凡有  
五種其色各異謂白礬綠礬黃礬黑礬絳礬也白礬  
則入藥及染人所用者綠礬亦入咽喉口齒藥及染  
色黃礬丹竈家所須時亦入藥黑礬惟出西戎亦謂  
之皂礬染鬚鬢藥或月之絳礬本來綠色亦謂之石  
膽燒之赤色故有絳名今亦稀見又有礬精礬蝴蝶  
皆鍊白礬時候其極沸盤心有濺溢者如物飛出以  
鐵匕接之作蟲形者礬蝴蝶也但成塊光瑩如水晶  
者礬精也此二種入藥力緊於常礬也又有一種柳

紫礬亦出礬處有之煎鍊而成輕虛如綿絮故以名  
之今醫家用治痰壅及心肺煩熱甚佳劉禹錫傳信  
方治氣痢巴石凡取白礬一大斤以炭火淨地燒令  
汁盡則其色如雪謂之巴石取一大兩細研治以熟  
猪肝作丸空腹飲下丸數隨氣力加減水牛肝更佳  
如素食人饑餅丸之亦通或云白礬中青黑者名巴  
石又治蛇交蠍螫燒刀子頭令赤以白礬置刀上看  
成汁便熱滴咬處立差此極神驗得力者數十人正  
元十三年有兩僧流向南到鄧州俱為蛇嚙令用此



法救之傳藥了便瘡更無他苦又崔氏方治甲疽或因割甲傷肌或因甲長侵肉遂成瘡腫痛復緣窄靴研損四邊腫焮黃水出浸淫相染五指但爛漸漸引上脚踏泡漿四邊起如火燒瘡日夜倍增醫方所不能療者綠礬石五兩形色似朴消而綠色取此一物置於鐵板上聚炭封之囊袋吹令火熾其礬即沸流出色赤如舄金汁者真也看沸定汁盡去火待冷取出按為末色似黃丹收之先以鹽湯洗瘡拭乾用散傳瘡上惟多為佳著藥訖以軟帛緩裹當日即汁斷

瘡乾若患痛急即塗少酥令潤每日一遍鹽湯洗濯有膿處常洗使淨其痂乾處不須近每洗訖傳藥如初但急痛即塗酥五日即覺上痂漸剝起亦夜前洗傳藥十日即瘡漸漸剝盡痂落軟處或更生白膿泡即捺破傳藥自然總差刑部張侍郎親嬰此病卧經六十日困頓不復可言京眾醫並經造問皆隨意處方無效驗惟此法得效如神故錄之以貽好事者又有皂莢礬亦入藥或云即綠礬也傳信方治喉痺用之取皂莢礬入好米醋或常用醱醋亦通二物同研



嚙之立差，如若喉中偏一傍痛，即側卧就痛處含之，勿嚙云。此法出於李暮，甚奇。黃礬入藥，見在元亮海上，方滅癩膏，以黃礬石燒令汁出，胡粉炒令黃，各八分，惟須細研，以臘月猪脂和更研如泥，先取生布揩令痛，即用藥塗五度，又取鷹糞白鷺窠中草燒作灰，等分和人乳塗之，其癩自滅，肉平如故。

圖經本草

機謹按本邦諸州有礬山，近豐後州速見郡小浦

礬山所出精礬尤佳，勝于舶上來者。煮煉法撰有礬氣熱泉下流作溝溝，上覆土筑實，土上撒細砂。

烈日晒乾，杵搗堅固，灑灰淋水於砂上，晒乾復灑乾數遍，二日許，砂上生黃，即刷取而鋪黃于竹編架上，架下承土瓶，架上灑水黃化，流入土瓶，內是礬水也。而傾入礬水于他瓶，架竈上竈下導熱泉之氣，而代薪火煮礬水，減則加添，煮七日。凡計礬水二石，煎至一斗，是礬湯也。盛礬湯于鍍鍋內，加灰淋汁，復煮三日夜，火候方足，而移畜木桶內，四日而堅實成礬，狀淨水中洗膩垢去，復盛鍋內煎溶，煮一日而傾桶中冷定，五日許而成礬。此常礬。



也如精礬將常礬加灰淋汁再煎溶傾桶中放冷  
用生柴灰汁磨洗也礬場非泉氣水性兼得其所  
則精礬不就矣蓋圖經所謂初生皆石也採得碎  
之煎鍊成礬者此礬未聞本邦有之

礬石今坊州礬務以其火燒過石取以煎礬色惟白  
不逮晉州者皆不可多服損心肺却水故也水化書  
紙上纒乾水不能濡故知其性却水治涎藥多須者  
用此意爾火枯為粉貼嵌甲牙縫中血出如衄者貼  
之亦愈

宋寇宗奭  
本草衍義

礬石折而辨之不止于五種也白礬方士謂之白君  
出晉地者上青州吳中者次之潔白者為雪礬光明  
者為明礬亦名雲母礬文如束針狀如粉撲者為波  
斯白礬並入藥為良黑礬鉛礬也出晉地其狀如黑  
泥者為崑崙礬其狀如赤石脂有金星者為鐵礬其  
狀如紫石英火引之成金線畫刀上即紫赤色者為  
波斯紫礬並不入服餌藥惟丹竈及瘡家用之綠礬  
絳礬黃礬俱見本條其雜色者則有雞屎礬鴨屎礬  
雞毛礬粥礬皆下品亦入外丹家用

明李東璧  
本草綱目



別錄曰礬石出河西山谷及隴西武都石門益州晉州青州慈州無為州諸處蘇氏曰初生皆石燒碎煎鍊乃成礬也凡五種其色各異白礬黃礬綠礬黑礬絳礬也李氏云折而辨之不止五種白礬方士謂之白君出晉州者上青州吳中者次之潔白者為雪礬光明者為明礬亦名雲母礬文如束針狀如粉撲者為波斯白礬並入藥為良黑礬鉛礬也出晉地其狀如黑泥者為崑崙礬其狀如赤石脂有金星者為鐵礬其狀如紫石英引之為金線畫刀上即紫赤色者

為波斯紫礬並不入藥餌惟丹竈及瘡家用之綠礬絳礬黃礬俱見本品條下其雜色者則有鷄屎礬鴨屎礬雞毛礬粥礬皆下品亦入外丹家用也雷氏曰修治凡使白礬石貯瓷瓶內置于火中煨令內外通赤鉅揭起蓋旋安石蜂巢入內燒之每十兩用巢六兩燒盡為度取出冷研粉以紙裹安五寸深土坑中一宿取用又法取光明如水晶酸鹹濇味俱全者研細粉以瓷瓶用六一泥固之候泥乾入粉三升于瓶內旋入五方艸及紫背天葵各取汁一盞俟汁乾蓋



瓶口更泥封上，下用火百解，煨之從已至未，去火取出，則色如銀，研如輕粉。用李氏云：令人煨乾，謂之枯礬。不煨者為之生礬。入服食家法，用新桑合盤一具，于密室淨地，以火燒地，令熱，洒水或若流于上，乃布白礬于地上，以槃覆之，四面用灰壅定，俟一日夜，其石精皆飛于盤上，即掃取之，更如前法，凡數遍乃止。名曰礬精。若欲作水，即以掃下礬精一斛，納三年若酒一斗中，澄清之，號曰礬華。百日彌佳。若急用之，七日亦可。

明倪朱謨本草彙言

私礬 ○ 權礬者，唐于晉州開成三年罷之。宋律白礬出晉汾州坊州，綠礬出磁州隰州，各置官典，護戶有馱錢，陳止齋曰：私礬之禁為契丹北漢設也。本朝不設礬官，亦無礬禁。大明律私礬一條，當時修者失於刪除耳。曾南豐曰：言礬課則劉熙古嚴茶禁則樊若水峻酒權則程能變鹽令則楊允恭古禁之尚疎者，皆密焉。

明楊升菴外集

權礬者，唐于晉州開成三年罷之。宋律白礬出晉汾州坊州，綠礬出磁州隰州，各置官典，護戶有馱錢，陳





止齋曰私鑿之禁為契丹北漢設也本朝不設鑿官亦無鑿禁大明律私鑿一條當時修者失於刪除耳

明陽慎丹  
鉛總錄

鑊石山有四川行都司上有鑿石燒之成鑊為劍戟

最利明陳仁錫潛  
確居類書

凡私煎鑿貨賣者同私鹽法論罪大明會典

曹植記中始言取鯉魚一雙令一含藥俱投沸膏中

有藥者遊行浮沉有若處淵其一者已熟而可噉植問之可試否則言是藥去此萬里非自行不能得也

按抱朴子書鑿石一把內活魚口與無藥俱投沸膏中猛火上其銜藥者浮戲灑滴不死無藥者已就糜爛二公皆以此明仙家服食之效也鑿石今在處有之未試而甘必欲取於萬里外豈非鑿之類耶明何孟春

餘冬  
序錄

涅石鑿也○山海經曰女牀之山其陰多涅石孟門之山多金玉黃堊涅石景純曰鑿石也升菴以涅石為石墨曰玄丹非矣楚人名涅石秦人名羽涅陶隱居以為羽澤枯者曰巴石有五色能使鐵為銅有雲



母波斯崑崙之號蕃硝綠礬鹽雷密器內水和火煎  
刷金而燒之即為詐藥鹽礬硝皂合丹砂可升靈藥  
皆不離礬無為有礬山出明礬有東鉞文者有煉沸  
飛出成花者倘所謂礬胡蝶乎清方以智通雅  
礬凡有五種白礬黃礬綠礬黑礬絳礬也本草云白  
礬出晉州慈州綠礬出隰州溫泉縣一統志云太原  
交城平定臨汾大同俱出李時珍曰礬者燔也燔石  
而成者也山西通志  
凡皂紅黃礬皆出一種而成變化其質取煤炭外礦

石俗名銅炭子每五百斤入爐爐內用煤炭餅自家風不用鼓鞴者

千餘斤周圍包裹此石爐外砌築土牆圍爐巔空

一圓孔如茶碗口大透炎直上孔傍以礬滓厚卷此滓

不知起自何世欲作新爐者非舊滓卷蓋則不成然後從底發火此火度經

十日方熄其孔眼時有金色光直上取硫詳後款煅經十

日後冷定取出半酥襍碎者另揀出名曰時礬為煎

礬紅用其中精粹如礪灰形者取入缸中浸三個時

漉入釜中煎煉每水十石煎至一石火候方足煎乾

之後上結者皆佳好皂礬下者為礬滓後爐用此皂



礬染家必需用中國煎者亦惟五六所原石五百斤成阜礬二百斤其大端也其揀出時礬俗又名雞屎礬每斤入黄土四兩入礬熬煉則成礬紅巧墁及油漆家用之其黃礬所出又奇甚乃即煉阜礬爐側土牆春夏經受火石精氣至霜降立冬之交冷靜之時其牆上然爆出此種如淮北磚牆生焰硝樣刮取下來名曰黃礬染家用之金色淡者塗炙立成紫赤也其黃礬自外國來打破中有金絲者名曰波斯礬別是一種又山陝燒取硫黃山上其滓棄地二三年後雨水浸

淋精液流入溝麓之中自然結成皂礬取而貨用不假煎煉其中色佳者人取以混石膽云石膽一名膽礬者亦出晉濕等州乃山石穴中自結成者故綠色帶寶光燒鐵器淬于膽礬水中即成銅色也本草載礬雖五種並未分別原委其崑崙礬狀如黑泥鐵礬狀如赤石脂者皆西域產也清宗應星天工開物凡礬燔石而成白礬一種亦所在有之最盛者山西晉南直無為等州值價低賤與寒水石相仿然煎水極沸投礬化之以之染物則固結膚膜之間外水永



不入故製糖餞與染畫紙紅紙者需之其末乾撒又能治浸淫惡水故淫瓶家亦急需之也凡白礬坭土取磊塊石層疊煤炭餅鍛煉如燒石灰樣火候已足冷定入水煎水極沸時盤中有濺溢如物飛出俗名蝴蝶礬者則礬成矣煎濃之後入水缸內澄其上隆結曰吊礬潔白異常其沉下者曰缸礬輕虛如棉絮者曰柳絮礬燒汁至盡白如雪者謂之巴石方藥家煨過用者曰枯礬云同上  
礬涅石燒煉而成桐城過黃泥河十里即廬江礬地

也火燒廠人無疥其飛出者胡蝶礬光明如水晶山  
峰者定水解毒土人貴之炙地洒醋布礬以桑盤覆  
之灰壅一日夜其精飛于盤上者礬霜也青礬乃煤  
石所煉者本州綱目未載也樟樹礬場取煤炭之石  
石有銅色謂之銅石即以細煤燒而圍之以礬場水  
淋其鏤入釜重煮冷則成礬它處水不能成或以皂  
角水淋之又升為礬紅曰礬中紅安福出銅炭即煤  
炭中有銅星者也洋船貴青礬以能制龍也青礬廠  
氣熏人衣服當之易爛栽木不茂惟烏柏樹不畏其



庶物類考

氣清皖桐方氏

機謹按本草綱目綠礬釋名青礬煨赤者名絳礬

礬紅但未載以煤石煉之也

聶都山多產礬石遠望如雪南安府志

涅石任臣案涅石礬石也與石涅不同辨女牀山註

清吳任臣山海經廣註

明礬參百貳拾陸觔壹拾貳兩坐六縣原該壹千貳

每觔額價壹分順治九十年前後奉旨改折玖百

貳拾壹觔外實存本貳百貳拾陸觔壹拾貳兩每

觔照原價壹分該銀參兩貳錢陸分柒厘伍毫墊脚

銀參兩陸錢捌分伍厘柒毫肆絲共銀陸兩玖錢伍  
分三厘貳毫肆絲內除荒銀貳分實徵銀陸兩玖錢  
參分參厘貳毫肆絲  
○撫州府志

石屬 礬石 十六



蘇州府志卷之十

琴精 琴萃

蘇州府志卷之十

石 屬

琴精 琴萃

一



礬精 礬華

取潔白光瑩者火煨用又法以火煨地洒水于上取礬布地以盤覆之四面灰擁一日夜礬飛盤上掃收之為礬精未盡者更如前法再以陳酒化之名礬華七日可用百日彌佳清注認菴本艸備要

石屬 礬精 礬華二



庶物類纂卷之五十九

庶物類纂石屬卷之五十目次

綠礬

黃礬

絳礬

金線礬

茶礬

陽起石

庶物類纂

卷五十九

石屬目次



本草綱目卷之五十一

綠礬

一名皂礬

本草綱目

一名青礬

同上

本草綱目卷之五十一

石屬

綠礬

一



庶物類纂卷五十一

綠礬

深頭髮用烏頭薄荷入綠礬染之

宋蘇軾物類相感志

綠礬白藥煎污衣服用烏梅擦之

同上

綠礬晉地河內西安沙州皆出之狀如焰硝其中揀

出深青瑩淨者即為青礬煨過變赤則為絳礬入巧

墁及漆匠家多用之然貨者亦雜以沙土為塊昔人

往往以青礬為石膽誤矣

明李東璧本草綱目

李氏曰綠礬生晉地河內西安沙州蘇氏曰出隰州

溫泉縣池州銅陵縣初生皆石也煎煉乃成其形似



扑硝而綠色，取置鐵板上，扑硝而綠，礬沸流出如金汁者，是真也。沸定時，汁盡則色如黃丹，名礬紅，入巧壇漆，器家多用之。明倪朱謨本草彙言

綠礬一名皂礬，一名青礬，煨赤者為絳礬，氣味酸涼，無毒。明李中立本草原始

愚按皂礬之色微青，非純綠也。若膽則青碧，嘉謨所謂不忒琉璃是也。時珍謂青礬如焰消者，為其細碎相類耳。膽礬則成塊，又絕與青礬不同也。清劉若金本草

述

機

謹按天工開物，皂礬煎鍊之法，見礬石之條。

橫州有綠礬山，出綠泉，多產礬石。清來元成博學彙書



庶物類纂 卷五十一

黄礬

庶物類纂

卷五十一

石屬

黄礬



黄礬

黄礬丹竈家所須亦入染皮用

唐本草

黄礬出陝西瓜州沙州及舶上來者為上黄色狀如胡桐淚人于綠礬中揀出黄色者充之非真也波斯出者打破中有金線文謂之金線礬磨刀劍頭花文丹房鑑源云五色山脂黄礬也

明李東壁本草綱目

黄礬所出又奇甚乃即煉皂礬爐側土墻春夏經受火石精氣至霜降立冬之交冷静之時其墻上礬然爆出此種如淮北磚墻生焰硝樣刮取下來名曰黄



博物志卷五十一

礬，深家用之，金色淡者塗灸立成紫赤也。其黃礬自外國來，打破中有金絲者，名曰波斯礬，別是一種。清宋  
應星天  
工開物

絳礬

一名礬紅。本草綱目

博物志卷五十一

石屬 絳礬



本草綱目卷五十一

絳礬

絳礬本緋色燒之乃赤故名絳礬唐煥恭唐新本草  
絳礬燒之則赤今亦稀見本草圖經

本草綱目卷五十一

石屬

絳礬

二



唐物類集卷之五十一

金線琴

唐物類集卷之五十一

石屬

金線琴



金線礬

金線礬廣州志云生波斯國味鹹酸淡有毒主野雞瘰疔惡瘡疥癬等疾打破內有金綿文者為上多入燒家用宋唐慎微證類本草



庶物類集卷之二十一

茶礬

庶物類集卷之二十一

石屬

茶礬



茶礬

上猶縣產以石門山石為之蒼盤纈蜜以磨盤與輪  
岡產者為佳脉紅如線極鮮明者最難得土人以白  
脉者為銀線黃脉者為金線云

江西通志



本草綱目卷之二十一

陽起石

一名白石  
神農本草  
一名羊起石  
名醫別錄  
一名石生

上同

本草綱目卷之二十一

石屬 陽起石 一



陽起石

陽起石一名白石味酸微温生山谷治崩中補虛肉  
攣藏中血結氣寒熱腸痛漏下無子陰陽不合生瘡  
地晉李當之藥錄

陽起石神農扁鵲酸無毒桐君雷公歧伯無毒李氏  
小寒或生太山或陽起山採無時上同

薛瑤英子七月七日令諸婢共剪輕絲作連理蒼子  
餘采以陽起石染之當年散于庭中隨風而上徧空  
中如五色雲霞久之方沒謂之渡河古慶花藉以乞




巧闕名致虛雜  
狙○說郭

機謹按唐張泌粧樓記同

陽起石一名白石一名石生一名羊起石雲母根也  
生齊山山谷及琅邪或雲山陽起山採無時柔螻蛸  
為之使惡澤瀉茵桂雷丸蛇蛻皮畏菟絲陶隱居云  
此所出即與雲母同而甚似雲母但厚實耳今用乃  
出益州與礬石同處色小黃黑即礬石雲母根未知  
何者是俗用乃稀仙經亦服之唐本註云此石以白  
色肌理似殷孽仍夾帶雲母滋潤者為良故本經一

名白石今有用純黑如炭者誤矣雲母條中既云黑  
者名雲膳又名地涿服之損人黑陽起石必為惡矣  
經言生齊山齊山在齊州歷城西北五六里採訪無  
陽起石陽起石乃齊山西北六七里盧山出之本經  
云或雲山雲盧字訛矣今泰山沂州惟有黑者其白  
者獨出齊州也南海藥譜陽起石惟太山所出黃者  
絕佳邢州鵲山出白者亦好嘉祐補註本州  
陽起石生齊山山谷及琅邪或雲山陽起山今惟出  
齊州他處不復有或云邢州鵲山亦有之然不甚好





今齊州城西惟一土山石出其中彼人謂之陽起山其山常有溫暖氣雖盛冬大雪徧境獨此山無積白蓋石氣薰蒸使然也山惟一穴官中常禁閉至初冬則州發丁夫遣人監視取之歲月積久其穴益深鑿鑿他石得之甚艱以色白肌理瑩明若狼牙者為上亦有挾他石作塊者不堪每歲採擇上供之餘州中貨之不爾市賈無由得也貨者雖多而精好者亦難得舊說是雲母根其中猶挾帶雲母今不復見此色古服食方不見用者今補下藥多使之採無時

本經圖

陽起石如狼牙者佳其外色不白如薑石其大塊者亦內白治男子婦人下部虛冷腎氣之絕子藏久寒

宋寇宗奭本草

行義

以能命名今以雲頭雨脚輕鬆如狼牙者為佳其鋪茸茁角者不佳王建平典術乃云黃白而赤重厚者佳雲母之根也庚辛玉冊云陽起陽石也齊州揀金山出者勝其尖似箭簇者力強如狗牙者力微置大

雪中條然沒者為莫

明李東璧本艸綱目



陽起石齊州城西一土山四時溫暖石生其中故名

明馮應京月令廣義

升陽起石法棟選真正好陽起石打研用好燒酒浸一宿搗起每兩樟腦二錢同研一處入固濟陽城礮內上用燈蓋封口牢密入百眼爐上用水注蓋先文後武打火二炷香冷定取開升蓋者可用沉重在底者勿用

明羅周彥醫宗粹言

愚按陰陽之賦氣陰降而陽升則凡物之稟陽氣盛者無不上行也唯是石類乃為殊異要亦此山氣之

有獨鍾而凝為斯石所謂形歸氣則其所異者在此山之氣如溫泉之類不多有也惟取其氣故取其輕鬆若狼牙又置雪中自化寫紙上紙即飛舉者為佳也

清劉若金本艸述

陽起石出歷城西北藥山山惟一穴官中常禁歲久穴益深得之甚難以色白肌理明瑩若狼牙者為上磨水透豬見日則飛故曰陽起

山東通志

藥山在歷城西北十二里上有九峰竝列其下有洞上有蜘蛛石下有蝦蟆石山上出陽起石本艸謂山





庶物類纂 卷五十一

無積雪 艸木長青 蓋繇陽氣薰蒸使然 濟南府志



